

## ԳԵՂԱՍԱ ԵՐԿԻՐՆ ԱՇԽԱՐՀԱԳՐԱԿԱՆ ԱՆՎԱՆՈՒՄՆԵՐՈՒՄ

### ԱՐՄԵՆ ՂԱՐԱԳՅՈՋՅԱՆ

Ըստ Հայոց ավանդական սլաոմության, Հայկ նահասպետի Հետնորդ Գեղամը «յես ամաց անցանելոյ ծնաւ զՀարմայ յԱրմաւիր, և թողեալ զՀարմայ յԱրմաւիր Հանդերձ սրբուովք բնակել, ինքն զնաց զմիւս լերամբն արևելեան հիւսիսոյ, յեզր ծովակի միոյ: Շինէ զեզր ծովակին, և թողուանդ բնակիչս, և յիւր անուն և սա զլեառնն անուանէ Գեղ, և զչէնսն՝ Գեզարքունի, որով կոչի և ծովն»<sup>1</sup>:

Հիշատակված տեղանունների մեկնաբանությունը Հանգես են եկել մի շարք ուսումնասիրողներ: Ն. Ագոնցը, Հենվելով Պուլտարքոսի տեղեկության վրա, ըստ որի Արաքսի գետաբերանի շրջանում բնակվող և հովվական կյանք վարող ցեղերը Տիգրան II-ի օրոք սլատրաստակամություն Հայտնեցին կովել Հռոմեացիների դեմ<sup>2</sup>, կարծում է, որ նրանցից մեկը գել կամ գել կոչվող ցեղն էր, որի բնակության նախնական վայրը եղել է ժամանակակից Գիլանը: Այդ ցեղն այնուհետև բնակություն հաստատեց Աևանա լճի շրջանում և նրա անունով էլ զբաղեցրած տարածքը կոչվեց Գեղարքունի<sup>3</sup>: Ն. Մառը Հայտնել է այն միտքը, թե Հայաստանում Gel-am-ը այն ցեղն է, որի տարածման սահմաններում, Գեղամա լեռներ կոչվող բարձունքներում, Հայտնաբերվել են պաշտամունքային կոթողներ՝ քարե հսկա ձկներ և վիշապներ: Gel ցեղն ունեցել է նաև գայլ տոտեմը<sup>4</sup>: Գ. Ղափանցյանը Գեզարքունիք երկրանվան սեպագիր աղբյուրներում վկայված «Uelikuni» կամ «Uelikuhī» տարբերակներն առաջացած է համարում «velik» կամ «velak» ցեղանունից, որը նշանակել է «vel ցեղից սերված»<sup>5</sup>: Գիտնականի Համոզմամբ, «vel» (wel) դեղանունը սկզբնապես ուրարտերենի լեզվական հիմքի վրա կարող էր նշանակել «ժողովուրդ», եթե այդ «vel» էթնիկական անունը ազդակից է ուրարտերենի «veli» («զորք, դունդ») բառին<sup>6</sup>: Թ. Հակոբյանն ընդգծել է այն փաստը, որ «Գեղամա երկիր, Գեղարքունիք անունն ունի էթնիկական ծագում»<sup>7</sup>: Ս. Բարխուդարյանի ենթադրությամբ սեպագիր արձանագրություններում հիշատակված երկրանվան ձևերն «ի-

<sup>1</sup> Մովսիսի Խորենացու Պատմություն Հայոց (այսուհետև՝ Խորենացի). Տիգրիս, 1913, էջ 40-41:

<sup>2</sup> Հայ ժողովրդի սլաոմության քրեստոմատիա. Երևան, 1981, էջ 238, ծանոթ. 24:

<sup>3</sup> Н. А. Д о н ц. Армения в эпоху Юстиниана. СПб., 1908, с.420.

<sup>4</sup> Н. Я. М а р р. Этно - и глоттогония Восточной Европы. Избранные работы, т. V, М. - Л., 1935, с. 56.

<sup>5</sup> Г. А. К а п а н ц я н. Историко-лингвистическое значение топонимики древней Армении (այսուհետև՝ ИЛЗТДА). Ереван, 1940, с. 22.

<sup>6</sup> Г. А. К а п а н ц я н. Историко-лингвистические работы. Т. II, Ереван, 1975, с. 82.

<sup>7</sup> Թ. Հ ա կ ո բ յ ա ն. Սյունիքի թագավորությունը. Երևան, 1966, էջ 165:

րենց լեզվական առանձնահատկությունները նույն իմաստն ունեն և նշանակում են գեղերի երկիր»<sup>8</sup>: Ս. Ումառյանի կարծիքով տեղանունն ունի պաշտամունքային ծագում, որի անվանահիմքն է սանսկրիտում պահալանված ulka («կրակ») արմատական բառը<sup>9</sup>: Ս. Պետրոսյանը մերձսևանյան ցեղերի U(e)duri Etiuni անվանումը կապում է թրակյան βεδυ (Ջուր) բառի հետ և հինթրակյան ծագում վերադրում մերձսևանյան ցեղամիություն ցեղերին, որոնց թվում և «արքայական» գեղ (\*uel) ցեղին: Հեղինակի կարծիքով հետագայում ցեղանունը դարձել է այդ շրջանի հայերի ազգաբնակիչ անունը<sup>10</sup>: Ա. Պետրոսյանը հավանական է համարում, որ uel արմատից կազմված հնդեվրոպական ցեղանունների և տեղանունների առկայությունը հավաստի է դարձնում հայկական և հնդեվրոպական ձևերի կապը հնդեվրոպական արմատի հետ: Ցեղանուններում և տեղանուններում այդ արմատը հանդես է գալիս \*uel-k ձևով հաճախ <-u->-ի հետագա ընդարձակմամբ, հետևաբար, uelku-ն պետք է հնչեր ueləku, որը և բացատրում է gelak – (-uni ածանց) հայկական ձևը<sup>11</sup>: Մասնադեպի կարծիքով, մ.թ.ա. VIII դ. կեսերին Սևանա լճի արևմտյան ափին ապրելիս է եղել մի ցեղ, որը սլաշտել է հնդեվրոպական \*uel անունով աստվածությունը և ունեցել է իր պաշտամունքային պիտույքները (վիշապներ), իսկ երկիրը, որտեղ բնակվել է այդ ցեղը, դուցե, նաև ցեղը՝ անվանվել է այդ արմատից կազմավորված անունով<sup>12</sup>: Ըստ Գ. Արեշյանի՝ «Uelikuni» կամ «Uelikuni» տեղանվան մեջ վկայվել է հ.-ե. \*ulku («գիշատել, սպանել») բայարմատը<sup>13</sup>: Գ. Զուկյանի ստուգաբանությամբ «Գեղարքունի» տեղանվան ուրարտական աղբյուրի՝ Uelikuni-ի մեջ առկա է ueli «ժողով, ջոկատ, աշխարհադոր» բառը<sup>14</sup>: Վ. Խաչատրյանը նշում է, որ «Գեղ լեռան և Գեղարքունիք դավառի անունները բաղկացած են հայ հ.-ե. գեղ «գեղեցկություն» արմատից ու բնութագրում են տեղանքը: Դրանցից երկրորդի մեջ ակունիք բաղադրամասը, որ հայերենում մասնիկների միացություն է, ժողովրդական ստուգաբանությամբ դարձել է -արքունիք»<sup>15</sup>:

Մ.թ.ա. 6–3-րդ հազ. վերաբերող Գեղամա լեռների ժայռապատկերներում, որոնցում արտահայտված են տեղաբնիկների հավատն ու բնապաշտպան պատկերացումները, կարելի է տեսնել սրբացված կենդանիների, բույ-

<sup>8</sup> Դիվան հայ վիճաբանության. IV, Երևան, 1975, էջ 5:

<sup>9</sup> Ս. Ումառյան. Սյունիքը դիցարան. Երևան, 1981, էջ 43:

<sup>10</sup> Ս. Պետրոսյան. Մերձսևանյան ցեղերի միությունը հայկական լեռնաշխարհում. – «Պատմա-բանասիրական հանդես» (այսուհետև՝ ՊԲՀ), 1976, №1, էջ 187-198:

<sup>11</sup> А. П е т р о с я н. Отражение индоевропейского корня \*uel- в армянской мифологии. – "Вестник общественных наук", 1987, № 1, с. 66, прим. 60.

<sup>12</sup> Նույն տեղում, էջ 66:

<sup>13</sup> Տե՛ս Յ ո վ . Կ ա Ր ա գ ե ո Ղ ե ա ն . Սեպագիր տեղանուններ. Երևան, 1998, էջ 140:

<sup>14</sup> Բ. Ն. Առաքելյան, Գ. Բ. Զահուկյան, Գ. Խ. Սարգսյան. Ուրարտու-Հայաստան. Երևան, 1988, էջ 147:

<sup>15</sup> Վ. Խաչատրյան. Հայաստանը մ.թ.ա XV–VII դարերում (Հայոց հին պատմություն). Երևան, 1998, էջ 134:

սերի, երկնային մարմինների ուղղակի և ոճավորված պատկերներ<sup>16</sup>: Գեղամա լեռներում՝ արոտավայրերի, լճերի ու աղբյուրների մոտ հայտնաբերվել են նաև ձկնակերպ հսկա քարակոթողներ: Դրանց մի մասը բարձրաքանգակ պատկերներ են<sup>17</sup>: Գ. Ղափանցյանը զրանք համարում է մոտավորապես մ.թ.ա. XX գ. կոթողներ, որոնք անձնավորում են Արա Գեղեցկին և նվիրված են նրա պաշտամունքին<sup>18</sup>: Արան նախևառաջ եղել է «մեռնող ու հառնող արեգակնային աստվածություն, որի բոլոր նախատիպերն ունեցել են բուսա-երկրագործական պաշտոններ»<sup>19</sup>, ինչպես եգիպտական Օսիրիսը կամ բարեյական Թամուզը<sup>20</sup>:

Հին հայոց հավատալիքների համաձայն, արևը «պատկերացվել է կտուցին օղ բռնած թռչունի կամ զույգ թռչունների, հրեղեն աղջկա, մանկան կամ պատանու (արևամանուկ), աչքի (ակն տունջեան, ակն արևու), շողարձակ թանկարժեք քարի, լուսացայտ անիվի...կերպարավորումներով»<sup>21</sup>: Գեղամա ժայռապատկերներում արև պատկերող նշանները ճառագայթավոր անիվի ձև ունեն: Աստղային համակարգ ներկայացնող ժայռապատկերներից մեկի վրա «արևը պատկերված է ճաճանչանիվի ձևով, վրան մի խոշոր թռչուն, կտուցը դեպի հրավառ գունդը»<sup>22</sup>: Մ.թ.ա. II հազ. վերջին և I հազ. սկզբին պատկանող բրոնզե գոտիների վրա արևը պատկերված է ա-

<sup>16</sup> Հայ ժողովրդի պատմություն (այսուհետև՝ ՀԺՊ). հ. I, Երևան, 1971, էջ 250-254, 262-263:

<sup>17</sup> Գ. Ղափանցյան. Արա Գեղեցկի պաշտամունքը. Երևան, 1940, էջ 111-154:

<sup>18</sup> Նույն տեղում, էջ 152, 154-167:

<sup>19</sup> Ա. Վարպետեան. Ովքեր են ի վերջոյ արիացիները. Երևան, 1990, էջ 115: Արա Գեղեցկի մասին առասպելը «տարբեր ձևերով կամ նրա որոշ հատվածները կարելի է հանդիպել V-IV դդ. հեղինակ Կտեսիաս Կնիդացու մոտ՝ Դիոգոր Սիկիլիացու միջնորդությունը, անտիկ ժամանակաշրջանի պատիրոսային մի սիրավեպում, Պլատոնի «Հանրապետություն» աշխատության մեջ և Մովսես Խորենացու մոտ» (ՀԺՊ. հ. I, էջ 481): Ն. Աղոնցյու ժամանակին այն միտքն է հայտնել, թե «Արայի և Շամիրամի անվան տակ թաքնված են երկու հնագույն աստվածներ, որոնք երկայն ճանապարհ են անցել մինչև թագավոր և թագուհի դառնալը և ոչոր միտքը են թողել անցած ճանապարհի վրա, որ պետք ունին հետազոտության և լուսաբանության» (Ն. Աղոնցյու. Պատմական ուսումնասիրություններ. Պարիս, 1948, էջ 233): Արա անունը հանդիպում է Ավեստայում, որը ստեղծի հավատացյալի անուն է (Նույն տեղում, էջ 260): Իրանագետ Բարթոլոմեյ Արա-ն համարում է *Armatay* (*Arem + matay* «բարեմիտ») կամ «լավ մտածող») բառի կրճատ կամ փաղաքական ձևը: *Armatay*-ն հետազոտողի կարծիքով ունեցել է երկրի, ինչպես և աստվածություն նշանակություն (Նույն տեղում, էջ 260): Ն. Աղոնցյու գտնում է, որ Բարթոլոմեյի ստուգաբանության ճիշտ լինելու դեպքում, Արան, իր պաշտամունքային նշանակությամբ և լեզվական առումով, իբրև բառ, նույնանում է /Ապանդ/-Արա-մետի («սուրբ երկիր, «երկրի ոգի») հետ (Նույն տեղում, էջ 260):

<sup>20</sup> История древнего мира, Древний восток. Египет, Шумер, Вавилон, Западная Азия. Минск, 1999, с. 361. Դեռևս XIX գ. վերջին անգլիացի գիտնական Ա. Սեյյուր Հայոց Արային բնութագրել է որպես հին հայկական արևի աստված (Գ. Ղափանցյան. նշվ. աշխ., էջ 10): Այս տեսակետի օգտին է խոսում *ar-* կամ *or-* հնդեվրոպական բայարմատը, որը բովանդակում է «հուն. *or-* «բարձրանալ» /*ornumi*, *ornuo*/, լատ. *or-* (*origor*) «ծագել, ծնվել, բարձրանալ» (այստեղից է *oriens* «ալևելք»), ինթ. *arā* (i)- բարձրանալ, ընդվզել և Հայոց *ar* (i)- «բարձրանալ, հարություն առնել» /*յառնեմ-յարեայ*, իսկ հրամայականը՝ արի, մաքուր «ար» սկզբնական արմատից և նշանակում է «վեր կաց», «կանգնի» (Նույն տեղում, էջ 93-94): Նկատելի է, որ նշված իմաստային հատկությունները բնորոշ են արևին և հաստատում են Արա աստծո արևային բնույթը:

<sup>21</sup> Ս. Հարությունյան. Հին հայոց հավատալիքները, կրոնը, պաշտամունքն ու դիցարանը. Երևան, 2001, էջ 7:

<sup>22</sup> ՀԺՊ. հ. I, էջ 256:

նիվի, սայլի, մարտակառքի ձևով<sup>23</sup>: Հին արևելյան կրոնապաշտամունքային գրավոր աղբյուրների և հայկական բանահյուսության տվյալների համաձայն, արև աստվածն իր երկնային օրապտույտը կատարում էր մարտակառքով, սայլով, նաև մակույկով՝ հրեղեն ձիերի կամ երկնային ցուլերի օգնությամբ: Հին Հայաստանի կիրառական արվեստի հուշարձանների վրա արևը պատկերվել է կենդանիների ու թռչունների տեսքով<sup>24</sup>:

Արժանահիշատակ է, որ ուսուցիչները գոյություն ունի "красное СОЛНЫШКО" («կարմիր արև») արտահայտություն, որի մեջ "красное" որոշիչն ունի «գեղեցիկ» նշանակությունը<sup>25</sup>: Բնականաբար հայերենում գոյություն ունեցող «կարմիր արև» դարձվածի մեջ «կարմիր» բառը նույնպես ունի «գեղեցիկ» իմաստը: Ուրեմն՝ "красное СОЛНЫШКО"-ն և «Արա Գեղեցիկը» համարժեք հասկացություններ են: Ընդ որում՝ "красное" «հասկացությունը գեղեցիկ իմաստով կապված է «լույսի» մասին պատկերացման հետ, հենց արշալույսի (չառագույն այգաբացի) և ձիերի մասին, երբ կառքով դուրս է գալիս առավոտյան արևը, այսինքն՝ բառը համատեղում է առասպելական նշանակությունը. «արշալույս<sup>+</sup> արև (վաղորդյան) + ձի (կարմիր)» էտրուսկների տոտեմը, այստեղից և "красное" (կարմիր) գույն, "краса" (գեղեցկություն) և այլն<sup>26</sup>: Հետևաբար՝ արևի գեղեցիկ (գեղ-ից, որը համարվում է բնիկ հայերեն բառ և ցեղակից լեզուներում ունի գեղեցկություն, դեմ, կերպարանք, տեսք, փայլ, գույն, երևույթ, կերպ իմաստները)<sup>27</sup> անվանումը, կապված լինելով լույսի մասին ըմբռնման հետ, ժամանակի ընթացքում կարող էր դառնալ առանձին՝ լույսի աստվածություն և սլաշտվել տեղաբնիկների կողմից, ինչպես որ հնդիրանական Indra աստծուց անջատվել է նրա Varthagna «Վիշապաբաղ» մակդիրը և դարձել Վահագն<sup>28</sup>:

Հնում «յուրաքանչյուր բնակավայր ունեցել է իր հովանավոր աստվածը, պաշտամունքային կենտրոնը, դիցաբանությունը, տոները՝ կապված գլխավորապես գյուղատնտեսական բոլորաշրջանի հետ»<sup>29</sup>: Երկիրը կամ շրջանը սովորաբար կոչվել է իր կենտրոնի (գյուղ, քաղաք) անունով<sup>30</sup>:

<sup>23</sup> Նույն տեղում, էջ 269:

<sup>24</sup> Նույն տեղում:

<sup>25</sup> И. И. Срезневский. Материалы для словаря древнерусского языка по письменным памятникам, в трех томах. Т. I, СПб., 1893, с. 1317-1318.

<sup>26</sup> Н. Я. Марр. *նշվ. աշխ.*, էջ 115: «Հայ գրականության մեջ ժողովրդական դյուցազններությունը Վարդան-Արևի մոտ սլահայանել է նրա оганс (կարմիր) մականունը՝ հիմք տալով մեզ Vardan Karmit-ը թարգմանել որպես Կարմիր արև» (նույն տեղում, էջ 271):

<sup>27</sup> Հ. ր. Ա ճ ա ո յ ա ն. Հայերեն արմատական բառարան. Հ. I, Երևան, 1971, էջ 532-533: Մեյն և Պոկոնին բխեցնում են \*uel- ցանկանալ արմատից (տես՝ Գ. Բ. Ջ ա - հ ու կ յ ա ն. Հայոց լեզվի պատմություն. Նախագրային շրջան. Երևան, 1987, էջ 198):

<sup>28</sup> Գ. Ղ ա փ ա ն ց յ ա ն. *նշվ. աշխ.*, էջ 47:

<sup>29</sup> Д. ж. Г. М а к к у и н. Хетты и их современники в Малой Азии. М., 1983, с. 119.

<sup>30</sup> ИЛЗТА, с. 89. Մ.թ.ա 782 թ. Արգիշթի I-ի (մ.թ.ա 786-764) զորքերը Սևանա լճի հյուսիսարևմտյան ափին գրավում են Իշտիկունի քաղաքը (ՀժԳ. Հ. I, էջ 304), այն եղել է սահմանակալ բերդաքաղաք (այժմյան Լճաչնի տարածքում): Տեղանվան հետ իմաստային որոշակի ընթացություն ունի ուսուցիչը ИСТУКАН («կուռք») բառը: Ըստ Ն. Մառի՝ այն իրենից ներկայացնում է I-նախածանցով stu-kan խաչավորված հիմքը կամ stu հիմքը Kan

Հետևաբար Uelekuni կամ Uelekuhi երկիրն անվանվել է իր վարչական և պաշտամունքային կենտրոնի անունով<sup>31</sup>, իսկ որպես տեղաբնիկների ցեղային անվանում հանգես են գալիս Գեղնի (Գեղնիկ) կամ Գղնի<sup>32</sup> անունները՝ համարժեք հայ էթնիկական անվանք, որոնք «ուղղակիորեն առնչվելով Գեղ-Գեղաքունի-Գեղամ ծագումնաբանական փոխադարձ կապերի մեջ գտնվող շարքին, պետք է գիտվեն որպես հայրենիքի միայն մի հատվածի (ազգագրական խմբին) հատկացված անվանումներ»<sup>33</sup>: Հայաստանում Միհրի պաշտամունքի հանգես գալը պայմանավորեց այդ աստվածությունից անվամբ տեղանունների առաջացմանը Գեղամա երկրում<sup>34</sup>:

(>gan) անանցով, իսկ ուսերեն բառի \*I-š-tu[r]-kan նախնական ձևում առկա է չուվաչերեն հնագույն tor- Թ «աստված» ձևը: Քանի որ I-, նախածանցը հեշտությամբ փոխարինվում է a - ll o -, համազոր նախածանցներով (Հմմտ. i-štar >A-ster- i-a, I-šar ll o-θ ar, I-til ll A- tnl), որը հիմք է հանգիսացել գիտնականի համար I-š-tu[r] kan-ի կողքին վերականգնել նրա նմանակը՝ \*A-star-gan ( Н. Я. М а р р. Նշվ. աշխ., էջ 337): Հետևաբար, իշտիկունի քաղաքանունը կարելի է մեկնաբանել որպես «Կոստուն», «Կոստեղի»:

<sup>31</sup> Վանի թագավորության շրջանում այդ բնակավայրը վերակառուցվել և անվանակոչվել է իսաղիի քաղաք (Г. А. К а п а н ц я н. Историко-лингвистические работы, т. II, с. 81, примеч. 2): Արամազդ լեռնագագաթի արևելյան ստորոտում, Գելոյի ձոր գետակի միջին հոսանքի շրջանում, տեղադրված է Ծաղկաչեն գյուղը: Այդ անունը գյուղին տրվել է նախկին Քյարիմբենդ անվան փոխարեն (Հայաստանի և հարակից շրջանների տեղանունների բառարան. հ. II, Երևան, 1988, էջ 835), սակայն, ամենայն հավանականությամբ, տեղանքի առանձնահատկության շնորհիվ բնակավայրը Ծաղկաչեն է կոչվել նաև Հնում: Իշտեղում գտնվում է Ս. Հովհաննես եկեղեցին (IX-X դդ.), որը վարդավառի սոսնիս հանդիսանում է ուխտագնացության վայր: Գեղարքունիքի մարզում գոյություն ունեն Ծաղկաչեն և Ծաղկեվանք անվամբ գյուղատեղիներ: Ծաղկաչեն գտնվում է Գեղձովիտ գյուղից 18 կմ հեռավորության վրա, դեպի Սելիմի (Սուլեմա) լեռնանցքը տանող ճանապարհի ձախ կողմում: Այս նախկին բնակավայրը, անշուշտ, նույնանուն է պատմական Գեղարքունիք գավառի Ծաղկա գյուղի հետ (Պատմութիւն նահանգին Միսական, արաբալ Ստեփաննոսի Օրբէլեան արքեպիսկոպոսի Միւննաց (այսուհետև՝ Ս տ. Օ Ր Բ Է Լ Ե յ ա ն). Թիֆլիս, 1910, էջ 513): Լիճք գյուղի հարավարևմտյան եզրին բարձրացող բլրի վրա պահպանվել է Ծաղկեվանքի Ս. Աստվածածին եկեղեցին: Գր. Ղափանցյանը համանման մեկ այլ տեղանվան մասին գրել է. «...Արագածից քիչ դեպի արևելք կա փոքր, բայց նույնպես նշանավոր մի սար, որ կոչվել է «Արայի լեռան» (= այժմյան «Ծաղկեվանք» սարն է...: Այս սարի միջում կա խորն ընկած մի մաս իր այրով, ուր կա նաև մի հարթ դերեզմանաքար (հետապայում շինված), որը պատկանում է Ս. Վարդապետին: Այս «Ծաղկեվանքը», որ տառացի նշանակում է «ծաղիկների տեղ», կամ «վանք», պաշտամունքի վայր էր մինչև վերջերս, ուր շրջակա և հեռավոր գյուղերից (մինչև իսկ Երևանից) գատիկից 40 սր հետո, համարձուրմին գալիս էին ուխտ: Իրոք այս տունը ծաղիկների տուն է եղել կապված Արայի հին (բուսական և գարնանային) բնույթի հետ...: Այժմյան Ծաղկեվանք անունը, որը տրվում է Արայի լեռան, վկայում է, որ Արայի պաշտամունքը կապված է եղել և ծաղիկի հետ, նրա տոնի հետ Համբարձմանը, երբ իրոք ծաղիկ գովքն է արվել» (Գ ր. Ղ ա փ ա ն ց յ ա ն. Նշվ. աշխ., էջ 99-100): Գր. Ղափանցյանի կողմից այդ տեղանվան բնույթը բացատրում է նաև Ծաղկաչեն գյուղանվան ծագումնաբանական արմատները:

<sup>32</sup> Ե Ր Գ Ե Մ Ի Վ Ա Ր Ղ Ա Ս Կ Ե Ս. Բառգիրք Հայոց. Յալիկոսնայ, 1698, էջ 63, 67, Ղ ր. Ա ճ ա ռ յ ա ն. Նշվ. աշխ., էջ 536:

<sup>33</sup> Ս. Պ Ե Ս Ր Ո Ս Յ Ա Ն. Նշվ. աշխ., էջ 190:

<sup>34</sup> Սյունիքի 12 գավառների եկեղեցու հին հարկացուցակում (այսուհետև՝ «Հարկացուցակ»), Գեղարքունիք գավառում, նշված է Մեհնոգած անունով գյուղը (Ս տ. Օ Ր Բ Է Լ Ե յ ա ն. Նշվ. աշխ., էջ 513): Տեղանունը նշանակել է Միհրի գահ (\*Mehagac<\*Mehragac) (Г. А. К а п а н ц я н. Историко-лингвистические работы, т. II, с. 136): Մեհնոգածը «թեև դյուղանուն է, սակայն, ամենայն հավանականությամբ, ծագում է մոտակայքում գտնվող ինչ-որ լեռան համանման անունից» (Յ ո վ. Կ ա Ր ա Գ Ե Ս - գ Ե Ա Ն. Նշվ. աշխ., էջ 15): «Հարկացուցակ»-ում Մեհնոգածը նշվել է Արգիճի, Զագ (Երանոս) և Կածիք (Աստղածոր) գյուղերի միջև (Ս տ. Օ Ր Բ Է Լ Ե յ ա ն. Նշվ. աշխ., էջ 513-514): Այդ փաստը ենթադրել է տալիս, որ մեզ հետաքրքրող լեռը և գյուղը պետք է փնտրել նշված բնակավայրերի շրջակայքում: Դիտարկումները ցույց են տալիս, որ Մեհնո-

Հայտնի է, որ հեթանոսական շրջանում պաշտամունքի առարկա են եղել աղբյուրները, որոնց վերագրվել է տարբեր հիվանդություններ բուժելու հատկություն: Դրանք ժողովրդի մեջ Հայտնի էին «լուսաղբյուր» և «կաթնաղբյուր» անուններով: Ջրի պաշտամունքի վերապրուկները պահպանվել են այդ աղբյուրներին (հատկապես հանքային) մատուցվող զոհաբերության և պաշտամունքի արարողություններում<sup>35</sup>: Այդպիսի մի աղբյուրից գոյացած ավազան այսօր էլ գոյություն ունի Գեղարզա վանքի քարայրային կառույցներից մեկում<sup>36</sup>: Ամենայն հավանականությամբ, Գեղարզ տեղանունն առաջացել է նախնական \*Գեղվարդ անվան (Գեղ-«լույս» /հիմքում՝ արև) և վարդ («ward, werd «ջուր = խեթ: watar, wadar «ջուր», հայ. urd «գետ»)<sup>37</sup> ձևափոխությունից՝ ստանալով նոր իմաստավորում՝ «լուսաղբյուր»: Գեղարզա վանքը նման է խեթական ամենախոշոր սրբավայրին (Բողազքոյից մոտ 1 մղոն դեպի Հյուսիս-արևելք): Այստեղ, «ժայռի մեջ, ուր միաժամանակ բխել է աղբյուր, եղել են տարբեր չափերի

գած լեռը նույնանում է Մաղինա գյուղից արևմուտք, 2829մ բարձրություն ունեցող Արմաղան (Աղմաղան, Մաղմաղան) լեռան (Ա. Ա. Ա ս լ ա ն յ ա ն, Հ. Ղ. Գ Ր Ղ Ե Ա Ր - յ ա ն. Հայկական ՍՍՀ աշխարհագրական անունների համառոտ բառարան. Երևան, 1981, էջ 33), իսկ Մաղինան՝ Մեհոգած գյուղի հետ լեռանը մոտ գտնվելու պատճառով: Հ. Կարապոյեյանի կարծիքով, Լուեբոն ցեղանունից է ծագում (Սարգուրի II-ի (մ.թ.ա. 764-735) Գանձագրան տարեգրության մեջ, մ.թ.ա. 741թ. կատարված դեպքերի կապակցությամբ հիշատակվել է որպես Լուեբունիտի. իսկ Ռուսա I-ի (մ.թ.ա. 735-713) Մովսիսարի արձանագրության մեջ ցեղանունը հանդես է գալիս որպես երկրանուն՝ Լուեբունիտ) Աղմաղան լեռանունը (Յ ո վ. Կ ա Ր ա գ Ե ո գ Ե ա ն. Նշվ. աշխ., էջ 263-265): Արմաղանի գագաթին գտնվող լճակի եզրին սլահայանվել են ավերակ մատուռ և տասնաքարեր: Լեռնագագաթը ուխտագնացության վայր է Վարդավառի տոնի ժամանակ: Աշխարհագրական հատկանիշի հիման վրա ստեղծված նոր տեղանուն է Արեգունի լեռանունը: Ենթադրվում է, որ այդ անունով հնում եղել է նաև համանուն բնակավայր Սևանա լճի արևելյան ափին, որին թուրքերը թարգմանաբար անվանել են Գյունեյ (Հայաստանի և Հարավից շրջանների տեղանունների բառարան. Հ. Լ, Երևան, 1986, էջ 420-421): Այն, թերևս, նախկին Սողք գավառի Արևիսաբակ գյուղն է, որը վկայվել է «Հարկացուցակ»-ում (Մ տ. Օ Ր Բ Ե Ղ յ ա ն. Նշվ. աշխ., էջ 514):

<sup>35</sup> Ս. Հ ա Ր Ո Ը Թ յ ո ւ յ ա ն. Նշվ. աշխ., էջ 9: Խեթերի մոտ նույնպես հատուկ պաշտամունքի առարկա են եղել աղբյուրները (Ա Ж. М а к к у и н. Նշվ. աշխ., էջ 122):

<sup>36</sup> «Կոչվել է Այրիվանք՝ քարայրային կառույցների պատճառով, իսկ XIII դարից վանքում պահված Ս. Գեղարդի պատվին՝ նաև Գեղարդ» (Հայկական սովետական հանրագիտարան. Հ. II, Երևան, 1976, էջ 712): Ն. Մառի կարծիքով, Ajdahak (պարսկերեն՝ «վիշապ») տեղանունը, որն եղել է տոտեմի անվանում, իր հետքն է թողել մարաց Ածգահակ թագավորի անվան և հայկական Հաշաեան գավառանվան մեջ: Մառը գտնում է, որ բառի հիմքը Հայերի մոտ երևան է գալիս ավելի ուշ ձևով որպես asteay> aste-y՝ նշանակելով «նիզակ», «նետ», և իմաստի առումով այդ առարկան կապում է օձի հետ որպես խոցող գործիք խայթ, ըստ օձի դլխի ու նետի պատկերավոր նմանության: Նա նույն ծագումն է վերագրել Հայերեն Gexard անվանը, որի gel հիմքը դիտարկել է որպես «օձ» նշանակությամբ բառ: Նիզակի պաշտամունքը, որով խոցված է եղել Քրիստոսը, հեղինակը համարել է քրիստոնեացված ժողովուրդներ (H. Я. М а р р. Նշվ. աշխ., էջ 57-58), Ա. Պետրոսյանի կարծիքով \*uel արմատի հետ կարող է կապված լինել և Gelard-ը («մեծ նիզակ»), որտեղ ard-ը նիզակի տեսակ է (A. П е т р о с я н. Նշվ. աշխ., էջ 57):

<sup>37</sup> ИЛЗТАА, с. 87. Համեմատության համար կարելի է վերցնել Գեղվրթոտ գյուղանունը Մյունխի Այլսախ գավառում (Մ տ. Օ Ր Բ Ե Ղ յ ա ն. Նշվ. աշխ., էջ 511): Մեր նախնիների հնապույտ հավատալիքների համաձայն «լեռնային աղբյուրների ու գետերի ջրերը ամուքում էին մարդկանց ախրությունը, վիշապ, հոգեկան ու ներքին հիվանդությունները, անասունների տարափոխիկ հիվանդությունները: Հմայական գործողություններով, ջրի օգնությամբ մարդիկ ձգտում էին երեխա ունենալ, նորահարսները ցորենի հատիկներ էին գցում աղբյուրների մեջ և այլն: Այս ամենը անբավտեղի կապի մեջ էր օրգանական աշխարհի վերածննդն ու գարթոնքի գաղափարի հետ» (ՀԺՊ, հ. I, էջ 272):

երկու բնական այրեր: Այդ ժայռափոր տաճարը շատ բանում հիշեցնում է ջրի պաշտամունքի հետ կապված մյուս անասուլիական սրբավայրերը»<sup>38</sup>:

Հին հնդեվրոպացիների տնտեսության մեջ ոչխարի նշանակալից դերն արտացոլված է մշակութային սովորույթում «ոչխարի» և «բրդի» պաշտամունքային նշանակության մեջ<sup>39</sup>: Խեթական Տելեպլինու աստուծու մասին առասպելում, նրա առջև կանգնեցվում է կենաց ծառ, սրի վրա կախվում է ոչխարի գեղմը<sup>40</sup>: Խեթալուվիական ծիսական արարողություններում ոչխարը հանդիսացել է հիմնական պաշտամունքային կենդանի<sup>41</sup>: Հին եգիպտոսում (միջին թագավորության շրջան) ոչխարի կերպարանքով է պատկերվել XII հարստության հիմնադիր Ամենեմխեթ I-ի հովանավոր Ամոն աստվածը, որը, դառնալով պետական աստվածություն, նույնացվել է հին պետական աստվածության՝ արևի Ռա աստծո հետ և կոչվել Ռա - Ամոն<sup>42</sup>:

Ուշագրավ է, որ հին Հունաստանում (Արկադիայում) ժամանակին լույսի աստվածություն համարվող Ապոլլոնը նույնպես պատկերվել է ոչխարի կերպարանքով<sup>43</sup>: Արգոնավորդների արչականքի մասին առասպելում Կողքիսում իշխող Հելիոս աստծո որդի էյեթոսը Նեփելե աստվածուհու զավակներին փրկած ոսկեգեղմ ոչխարը (Հերմես աստծո շնորհը) զոհաբերեց Ջևսին, իսկ գեղմը կախել տվեց պատերազմի աստված Արեսի սրբազան անտառում: Ըստ առասպելի, անտառում ոսկու պես շողշողուն գեղմին մշտապես հսկում էր վիշապը, որի աչքերն անդամ քնելիս երբեք չէին փակվում<sup>44</sup>: Այս կապակցությամբ մեծ հետաքրքրություն է ներկայացնում Կարմիր բլուրից գտնված դոսին: Դրա վրա պատկերված են առյուծի վրա կանգնած իսալդին, ցուլի վրա կանգնած Թեյշեբան և արևի աստված Շիվինին, որոնք հետապնդում են թևավոր ոչխարին<sup>45</sup>: Բիսյանական դիցարանի առաջին եռյակը կազմող գլխավոր աստվածությունների կողմից հալած-

<sup>38</sup> Д. Ж. Г. Маккуи.н. Նշվ. աշխ., էջ 129.

<sup>39</sup> Т. В. Гамкрелидзе, Вяч. Иванов. Индоевропейский язык и индоевропейцы. 1-2, Тбилиси, 1984, с. 581. Հին պատկերացումների համաձայն «խոյ գլուխ է հօտի և պարգևատու» (Ա ն ա ն ի ա Շ ի ր ա կ ա ց ի. Տիեզերագիտություն և տոմար. Երևան, 1940, էջ 20):

<sup>40</sup> Т. В. Гамкрелидзе, Вяч. Иванов. Նշվ. աշխ., էջ 582: Հետաքրքիր է այն տեսակետը, ըստ որի մ.թ.ա. VIII-VII հազ. ժայռապատկերներում խոյերի նկարները, որոնք տրված են շեշտված եղջյուրներով, վկայում են գոյություն ունեցող խորհրդապաշտության մասին, իսկ արևապաշտության հետ աղերսով պարուրած և եղջյուրներն իմաստավորում էին հավերժություն, քանի որ արևը խորհրդանշող հավասարաթև խաչի և այգ պարույրների զուգորդումը վերածեց կեռ խաչի, ապա սկսվածակի (տես՝ Ա. Վ ա Ր պ ե տ ե ա ն. Նշվ. աշխ., էջ 33): Այս առումով ուշագրավ է Կեղարքունիք գավառի Առնեղի գյուղանունը, որի մեջ առկա է Հայ. Հ.-Ե. առն «վայրի խոյ» արմատը (Վ. Խ ա չ ա տ ր յ ա ն. Նշվ. աշխ. էջ 44):

<sup>41</sup> Т. В. Гамкрелидзе, Вяч. Иванов. Նշվ. աշխ., էջ 582:

<sup>42</sup> История Древнего мира, с. 146-147, 275.

<sup>43</sup> Ն. Կ ու ն. Հին հունական լեգենդներ և առասպելներ. Երևան, 1979, էջ 33, ծանոթ. 1:

<sup>44</sup> Նույն տեղում, էջ 309, 311: Ոսկե գեղմի համար արչականքի մասին լեգենդի առաջաման հիմքում ընկած այն իրողությունը, որ «ավանդությունների համաձայն, Կովկասում ոսկին արդյունահանում էին ոսկեբեր գետի ջրերի մեջ սուզելով ոչխարի մորթին: Գեղմը, որի վրա նստված էին տալիս ոսկու մասնիկները, ձեռք էր բերում մեծ արժեք» (Большая советская энциклопедия, т. 17, второе издание. Том подписан к печати 30 октября 1952 г., М., с. 157).

<sup>45</sup> С. И. Ходжаши, Н. С. Трухтанова, К. Л. Оганесян. Эребуни. М., 1979, с. 104.

վող ոչխարն ընկալվում է որպես տեղաբնիկների գլխավոր աստվածութ-  
յան պաշտամունքի խորհրդանիշ: Այդ դրվագում, փաստորեն, գեղարվես-  
տորեն արտահայտվել է հակառակորդի դեմ տարած հաղթանակը:

Պետք է կարծել, որ Հայաստանում լուսի աստվածությունը մարմնավոր-  
որող կենդանու՝ ոչխարի կամ գառան մորթին, ինչպես ցուլինը Հայտնի  
պատկերաքանդակում<sup>46</sup>, դրվել է բազիլի վրա և պաշտվել: Այդ պաշտա-  
մունքային հիմքի վրա ձևավորված տեղանուն է Գեղամի դաստակերտի  
Գառնի անվանումը<sup>47</sup>: Ըստ պատմահայր Խորենացու, Հայկյան Գեղամը  
«...չին է ձեռակերտ մի, և կոչ է զանուն նորա Գեղամի, որ յետոյ...ի Գառն-  
կայ թոռան է անուանեցաւ Գառնի»<sup>48</sup>: 1217 թ. Այրիվանքում ընդօրինակ-  
ված Ավետարանի հիշատակարանում վկայվել է. «...արքայանիստն Գեղա-  
մի, որ Գառնի...»<sup>49</sup>: Գառնիում հայտնաբերված «Վիչապլ» սեպագիր ար-  
ձանագրության մեջ Գեղամի դաստակերտի անունը վկայվել է որպես Գե-  
լամիա: Այդ բնակավայրը եղել է Գիարնիա երկրի կենտրոնը<sup>50</sup>: Ակնհայտ  
է, որ նույնիսկ սեպագրական շրջանում միևնույն բնակավայրի անվա-  
նումներից մեկը կրել է նաև երկիրը կամ շրջանը:

Գեղամ անվան («\*uel-m` \*uel-ից»)՝ ըմբռնումը տեղաբնիկների կողմից  
մատնանշում է Գեղամա ծով տեղանվան, անշուշտ, թարգմանաբար տրված  
*lychnitis*-լուսավոր, անվանումը (հուն. λυχνίτις-«ճրագ, կանթեղ» բառից)<sup>52</sup>:

<sup>46</sup> Գ. ր. Ղ ա փ ա ն ց յ ա ն. նշվ. աշխ., լուս. N 7: Գեղմն և գառն. հուն. εἶρος  
«գեղմն», ἄρνις «գառն» բառերի հետ համարվում են սերված սանտ., var, գնդ. var «ծածկել,  
պահել» արմատից (անս շ ր. Ա ճ ա ո յ ա ն. նշվ. աշխ., էջ 519, 535-536):

<sup>47</sup> Ա. Վ. ա ր ւ ւ Ե տ Կ ա ն. նշվ. աշխ., էջ 32-33: Ս. Ումախյանը կարծում է, որ «Գառնի  
անվան հիմքը \* guher է, որից հին հնդկերենում կա ghṛna (գառնա) «չոգ», «այրվող»,  
փոխաբերական իմաստով «արևոտ» (Ս. Ումախյան. նշվ. աշխ., էջ 52): Գ. Զահուկ-  
յանը Գառնի տեղանունը ծագած է համարում ուրարտերեն garini «բերդ, ամրոց» բառից  
(Գ. Բ. Զ ա հ ու կ յ ա ն. Ստուգաբանություններ.— ՊԲՀ, 1963, №4, էջ 96. Բ. Ն.  
Ա ո ա ք Ե Լ յ ա ն, Գ. Բ. Զ ա հ ու կ յ ա ն, Գ. Խ. Ս ա ր գ ս յ ա ն. նշվ. աշխ., էջ  
147):

<sup>48</sup> Մ ո վ ս Ե ս Խ ո ր Ե ն ա ց Ի, էջ 41:

<sup>49</sup> Ա. Ս. Մ ա թ և ո ս յ ա ն. Հայերեն ձեռագրերի հիշատակարաններ. ԺԳ դար.  
Երևան, 1984, էջ 105:

<sup>50</sup> Թ ո վ. Կ ա ր ա գ Ե ո գ Ե ա ն. նշվ. աշխ., էջ 95, 132: Ըստ Հ. Կարազոյցյանի՝  
«Գեղամի» > Գեղամի բնակավայրը եղել է Գիարնիա > Գառնի երկրի կենտրոնը, որը, սա-  
կայն, մոտացության է մատնվել և հետագայում երկրի անունը հատկացվել է նրա կենտրո-  
նական բնակավայրին» (Թ ո վ. Կ ա ր ա գ Ե ո գ Ե ա ն. նշվ. աշխ., էջ 132): Ա. Պետրոս-  
յանը Gelam անունը ծագումնաբանորեն կապում է Աևանա լճի արևմտյան և հարավային  
մասում ու Գեղամա լեռներում հնդեվրոպական \*uel արմատով կաղմված տեղանունների  
հետ (A. П е т р о с я н. նշվ. աշխ., էջ 63): Վ. Խաչատրյանը Գեղամ անունը համարում  
է վերցված տեղանունից՝ Հայ. հ-Ե. ամալ «լցնել» բայարմատի հավելումով, որը նշանակում  
է «գեղալի» (Վ. Խ ա չ ա տ ր յ ա ն. նշվ. աշխ., էջ 104): Ավելի վաղ Հր. Աճառյանը Գե-  
ղամ անվանը վերագրել է խալդայան ծագում միաժամանակ չբացատրելով նրա առաջացումը  
Գեղամայ (ծով, լեռ) տեղանունից (Հ ր. Ա ճ ա ո յ ա ն. նշվ. աշխ., էջ 452):

<sup>51</sup> Ըստ Ս. Պետրոսյանի՝ Գեղամ անունը «պարունակում է նույն գեղ արմատը և ամ  
անձնանվանակերտը» (Ս. Պ Ե տ ր ո ս յ ա ն. նշվ. աշխ., էջ 189):

<sup>52</sup> P t o l e m a e i. Geographica. Parisiis, 1901, V, 12,30. A. Д. В е й с м а н.  
Греческо-русский словарь. М., 1981, с. 773. Ս. Ումախյանը ենթադրում է, որ անվան  
հիմքն է «leukos «լուկա», «ճաճանչ», որը ծագում է հնդեվրոպական նախալեզվի \*leuk  
«լուկա» բառից և «Լիբնիտիս անունը Գեղամա ծովանվան թարգմանությունն է» (Ս.  
Ումախյան. նշվ. աշխ., էջ 42): Հ. Կարազոյցյանը Այրարատ նահանգանվան ստու-  
գաբանության կապակցության անգրադարձել է նաև Լյուխնիտիս լճանվանը: Նրա կար-  
ծիքով, Այրարատը «ծագում է \*Ատրագատա (\*Atradata) > Այրարատ անցումով, որտեղ



Սևան անվան մեջ կարելի է տեսնել «անձրև, անձրևել» նշանակությամբ հնագույն \*sew/ \*su հիմքը, որը սկիզբ է առնում վաղ հնդեվրոպական բարբառային ընդհանրության ժամանակներից նախնական նշանակությամբ «ճգմելով քամել, մզել, կորզել»<sup>53</sup>: Ընդ որում, «անձրև կանչելը պատկերանում է որպես (Ջրի) դուրս մղում մի ինչ-որ ակտիվ սկզբի աստվածության կողմից»<sup>54</sup>: Հարցի առնչությամբ կարևորվում է հայերեն անձրև (an+dre-w) տերմինը, որը բառացի նշանակում է «կրկինք ջուր»<sup>55</sup>: Հետևաբար՝ Սևան լճանունն արտահայտել է «երկնային ջուր» իմաստը: Ուշագրավ է, որ Սևանա լճի թուրքերեն Գյոկ-չա «Կապույտ (երկնագույն) ջուր» անվանումը, որը ուշ ժամանակի տեղական անվան թարգմանությունն է, ըստ էության նշանակում է «երկնային ջուր»: Ըստ այդմ, պետք է ընդունել, որ երկնային ջրի պաշտամունքին են նվիրված եղել Գեղամա լեռներում գտնվող չրապաշտական կուռքերը՝ վիշապները<sup>56</sup>: Բիսյանական աղբյուրներում լիճը հայտնի է որպես Ծուև («ծով»)՝<sup>57</sup>, նախնական իմաստով՝ «ջուր»:

Այսպիսով, Գեղամի գաստակերտ և Գառնի տեղանունների պատմահամատարական վերլուծությունը թույլ է տալիս պարզել, որ գրանց ծագումը նույնպես կապված է եղել լույսի աստվածության պաշտամունքի հետ: Այդ մասին է վկայում նաև I գ. Գառնիում արևի աստված Միհրին նվիրված տաճարի կառուցման փաստը<sup>58</sup>, հավանաբար, նախկին պաշտամունքային վայրի տեղում:

տեղանվան առաջին բաղադրիչը (հնդեվրոպական ater «կրակ»), հավանաբար, կապված է բնական (էլմայի կրակներ կոչվող) երևույթի հետ (լեռների լուսավորվող կատարները), ինչը վաղուց նկատվել է Արագածի վրա և ժողովուրդն այն կոչել է Լուսավորչի կանթեղ, անգամ ծովերում նավերի կայմերին, հրվանդանների սուր մասերում, ինչը, հավանաբար, եղել է նաև Սևանա լճի մերձակայքում, որից էլ Լյուխնիտիս (lychnitis) լճանունը և նորատուս գյուղանունը, որն, անշուշտ, պետք է եղած լիներ \* Նարատուս... (Թ ռ վ. Կ ա - ր ա դ ե ո զ ե ա ն. նշվ. աշխ., էջ 17):

<sup>53</sup> Т. В. Г а м к р е л и д з е, В я ч. В с. И в а н о в. Նշվ. աշխ., էջ 679–681: Որոշ հետազոտողներ Սիւնիք (< Սեւնիք) երկրանունից են առաջացած համարում Սևան լճանունը (Ս. Տ. Ե Ր Ե Մ Ե Ն. Ն. Մառք և VII դ. Հայոց «Աշխարհացոյց»-ը, Մառք և Հայագիտության հարցերը. Երևան, 1968, էջ 81, Ս. Պ Ե Ս Ր Ո Ս Ե Ն. Նշվ. աշխ., էջ 191): Հ. Կարադոկյանը ենթադրել է, որ մ.թ.ա բիսյանական և ասուրական արձանագրություններում վկայված Կուանն և Կիունա բնակավայրերը, որոնք համապատասխանաբար տեղադրված էին Ուրմիա և Վանա լճերի ավազաններում, ավելի ուշ հանդես են գալիս որպես Սևան: Նրա կարծիքով Սևանա լիճը նույնպես կոչվել է Կուանն, որից և առաջացել է Հետագայի Սևան անունը (Թ ռ վ. Կ ա Ր ա դ ե ո զ ե ա ն. նշվ. աշխ., էջ 242–245):

<sup>54</sup> Т. В. Г а м к р е л и д з е, В я ч. В с. И в а н о в. Նշվ. աշխ., էջ 679:

<sup>55</sup> Н. Я. М а р р. Նշվ. աշխ., էջ 476:

<sup>56</sup> Հայաստանում եղել են ջրի աստվածություններ (դևեր): Ինչպես, օրինակ, «nar ծովային աստվածությունը, որը հանդես է գալիս covinar «ծովի հավերժազարս» (cov «ծով»-ից), Oskinar «ոսկի-հավերժազարս» (= ոսկյա հավերժազարս)», Helinar «ջրահարս» /բուն իմաստով՝ «հեղուկի, տեղատարափ անձրևի», Nurin (\*Narin-ից) կանացի անվանումներում» (Գ. Ա. К а п а н ц я н. Историко-лингвистические работы, т. II, с. 321): Nar-ի պաշտամունքի հիման վրա ձևավորված տեղանուն է \*Նարատուս գյուղանունը:

<sup>57</sup> Թ ռ վ. Կ ա Ր ա դ ե ո զ ե ա ն. նշվ. աշխ., էջ 245:

<sup>58</sup> К. В. Т р е в е р. Очерки по истории культуры древней Армении. М. – Л., 1953, с. 93.

## СТРАНА ГЕГАМА В ГЕОГРАФИЧЕСКИХ НАЗВАНИЯХ

*АРМЕН КАРАГЕЗЯН*

## Р е з ю м е

Географические названия – достоверные и неоценимые первоисточники и имеют большую познавательную ценность. Историко-сравнительный анализ древнеармянских топонимов может существенно расширить круг наших знаний об исторической Армении, содействуя восстановлению особенностей ее общественного, экономического, политического и культурного развития. В статье дается научное объяснение происхождению ряда топонимов страны Гегамы (бассейн оз. Севан), что крайне необходимо для создания целостной истории данного региона.

## THE GEGHAMA COUNTRY IN GEOGRAPHICAL NAMES

*ARMEN GHARAGYOZYAN*

## S u m m a r y

Place names are reliable and priceless sources, and they have great cognitive value. Historical comparative analysis of ancient Armenian place names may noticeably widen our knowledge about ancient Armenia, thus contributing to restore peculiarities of its social, economic, political and cultural evolution. This article gives new scientific explanation of the origin of some place names of the Geghama country (basin of the Lake Sevan), which is extremely necessary to recreate the entire history of this region.